

دمعة كربله

هذي دمعة كربله نجرىها جمره من لبّ القلب نبديها
العقيدة الكامله هذي دمعة كربله
هذي دمعة كربله وماي الحياة نزت بجفن المحب من هالفلاة
تجري من نهر القلب ويه الفرات آيه من وحي الله ما نخفـيها
والمدامع هامله هذي دمعة كربله
يوم طاح حسين ضجّت كربله وأضحت الدّنيه حزينه ومعوله
وهالحزن إحنه الذي نتكـفله لله وفروض المودّه نشـيها
وهاالدموع مسبله هذي دمعة كربله
ما نلوم الي بجه ودمعه همه عينه عالدمعه الشـريفه معلّمه
هذا ميراث الشرف من فاطمه عيونّه بصبح ومسه تواسـيها
عدهه والله مسجله هذي دمعة كربله
هم يصير العين ما تبجي الشّهد تبخل بدمعه على مصاب الوريد
تنحشر ويّ حرمله وشمر ويزيد عيون ما تبجي الحقد يعمـيها
الله يلعن حرمله هذي دمعة كربله

يفرح بعاشور قلب الناصبي وأنه دمعي بهالمآتم صاحبي
حسين ديني وكل حياتي ومذهبي حقوق حزنه بالدمه أوفـيها
وبالكتاب مسجّله هذي دمعة كربله

حسين عبّره بالقلب اسمه انحفري آهة مصابه تفت قلب الصخري
قطره من دمع المحب طفت سقر ونار حزنه تزيـد ما تطفئها
تبقه دوم مشعلّه هذي دمعة كربله

من كلمات الدكتور الشيخ محمد جمعة بادي

٢٤ ذي الحجّة ١٤٣١ هـ